

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj: 2/26) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje:

JAVNI POZIV

za dostavljanje prijedloga projekta iz oblasti podrške osobama treće životne dobi

I PREDMET JAVNOG POZIVA

Općina Vogošća poziva ustanove socijalne zaštite da dostave prijedlog projekta iz oblasti podrške osobama treće životne dobi, a koji se odnosi na pružanje usluga mobilne kućne njege i podrške u vlastitom domu za najugroženije korisnike sa područja općine Vogošća.

Projektne prijedlog treba biti usmjeren na:

- poboljšanje kvaliteta života osoba treće životne dobi;
- pružanje socijalnih i zdravstveno–podržavajućih usluga u kućnim uslovima;
- unapređenje socijalne uključenosti i zaštite zdravlja starijih osoba;
- podršku osobama koje nisu u mogućnosti samostalno obavljati osnovne životne aktivnosti.

Projektne aktivnosti realizovat će se u okviru projekta:

„Održivo pružanje usluga mobilne kućne njege za starije osobe u općini Vogošća“.

II PRAVO UČEŠĆA

Pravo učešća po ovom Javnom pozivu imaju ustanove socijalne zaštite registrovane u skladu sa važećim zakonskim propisima u Bosni i Hercegovini, koje u okviru svoje registrovane djelatnosti pružaju usluge mobilne kućne njege i podrške osobama treće životne dobi.

Aplikanti moraju posjedovati stručne, tehničke i organizacione kapacitete za realizaciju projektnih aktivnosti na području općine Vogošća.

III KORISNICI PROJEKTA

Korisnici projekta su osobe treće životne dobi sa područja općine Vogošća koje:

- nisu u mogućnosti samostalno ispunjavati osnovne životne funkcije;
- imaju izražene zdravstvene i socijalne potrebe;
- nalaze se u stanju socijalne ili materijalne ugroženosti;
- nemaju adekvatnu podršku članova porodice ili srodnika.

Odabir korisnika vršit će se na osnovu prijedloga prioriteta Službe socijalne zaštite općine Vogošća i preporuke socijalnih radnika OJ Dom zdravlja Vogošća, uz zajednički obilazak korisnika i utvrđivanja činjeničnog stanja, od strane stručnog projektnog tima odabranog aplikanta i predstavnika nadležne općinske službe.

IV VISINA FINANSIJSKIH SREDSTAVA

Sredstva planirana za realizaciju projekta iznose:

10.000,00 KM (slovima: deset hiljada konvertibilnih maraka).

Sredstva su obezbijedena u Budžetu Općine Vogošća za 2026. godinu.

V PERIOD REALIZACIJE PROJEKTA

Projektne aktivnosti realizovat će se u periodu od 01.07.2026. godine do 30.06.2027. godine.

VI OBAVEZE APLIKANTA

Aplikant je obavezan:

- da pruža usluge mobilne kućne njege za odobrene korisnike sa područja općine Vogošća;
- da usluge pruža putem stručnog i obučenog osoblja;
- da sa svakim korisnikom zaključi pojedinačni ugovor o pružanju usluga;
- da vodi urednu evidenciju o realizaciji projektnih aktivnosti;
- da Općini Vogošća dostavi završni narativni i finansijski izvještaj po završetku projekta;
- da o svim promjenama koje se odnose na status korisnika ili realizaciju projekta blagovremeno obavijesti Općinu Vogošća.

VII POTREBNA DOKUMENTACIJA

Aplikant je dužan dostaviti:

- prijavni obrazac;
- projektni prijedlog;
- finansijski plan projekta;
- rješenje o registraciji ustanove;
- identifikacioni broj;
- broj transakcijskog računa;
- uvjerenje o izmirenim poreskim obavezama;
- uvjerenje o izmirenim doprinosima za zaposlene, ukoliko aplikant ima zaposlenih;
- završni godišnji finansijski izvještaj za posljednju poslovnu godinu;
- dokaz o stručnim i organizacionim kapacitetima za realizaciju projekta;
- izjavu o ispunjavanju uslova iz Javnog poziva.

VIII ROK ZA DOSTAVLJANJE PRIJAVA

Rok za dostavljanje prijave je 10 dana od dana objavljivanja Javnog poziva na službenoj web stranici i oglasnoj ploči Općine Vogošća.

Nepotpune i neblagovremene prijave neće se razmatrati.

IX NAČIN I MJESTO DOSTAVLJANJA PRIJAVE

Popunjena aplikacija sa kompletnom dokumentacijom dostavlja se u dva (2) primjerka, u štampanoj formi, u zatvorenoj koverti sa naznakom: „**za Javni poziv za realizaciju projekta iz oblasti podrške osobama treće životne dobi**“, preporučenom poštom ili lično na protokol Općine Vogošća, svakim radnim danom na sljedeću adresu: Općina Vogošća, ul. Jošanička br.80, 71320 Vogošća. Na koverti obavezno mora biti naznačen: naziv Javnog poziva i napomena „**Ne otvarati**“.

Aplikacije dostavljene nakon isteka navedenog roka bit će razmatrane samo u slučaju da poštanski žig ukazuje na datum slanja prije zvaničnog isteka roka. O zaprimljenim aplikacijama Općina Vogošća vodit će urednu evidenciju i izdavati potvrde o prijemu. Pristigle prijedloge razmotrit će i ocijeniti Komisija za ocjenjivanje i odabir, imenovana od strane Općinskog načelnika. Rezultati Javnog poziva bit će objavljeni na oglasnoj ploči i službenoj web stranici Općine Vogošća.

X PREUZIMANJE DOKUMENTACIJE

Dokumentacija i informacije vezane za prijavu na Javni poziv mogu se preuzeti sa službene web stranice Općine Vogošća (www.vogosca.ba) ili lično u Općini - Služba za boračko-invalidsku i socijalnu zaštitu, soba 42, ulica Jošanička broj 80, 71320 Vogošća.

XI OCJENA I ODABIR

Komisija imenovana od strane Općinskog načelnika izvršit će ocjenu formalne ispravnosti i prihvatljivosti prijave, te sačiniti prijedlog rang-liste projektnih prijedloga.

Prilikom ocjenjivanja projektnih prijedloga posebno će se vrednovati:

- iskustvo aplikanta u pružanju usluga mobilne kućne njege;
- stručni i organizacioni kapaciteti za realizaciju projekta;
- kvalitet i održivost predloženih aktivnosti;
- opravdanost i ekonomičnost finansijskog plana;
- očekivani doprinos unapređenju kvaliteta života korisnika.

Svi aplikanti će biti pismeno obaviješteni o rezultatima Javnog poziva.

Aplikanti imaju pravo podnošenja prigovora u roku od 5 (pet) dana od dana prijema obavještenja.

O prigovoru odlučuje drugostepena komisija koju imenuje Općinski načelnik.

Nakon okončanja postupka po prigovorima, Općina Vogošća će sa odabranim aplikantom zaključiti ugovor o dodjeli sredstava za realizaciju projekta.

Rezultati Javnog poziva bit će objavljeni na službenoj web stranici i oglasnoj ploči Općine Vogošća.

XII ZAVRŠNE ODREDBE

Općina Vogošća zadržava pravo poništenja ovog Javnog poziva u bilo kojoj fazi postupka.

Broj: 02-31-1234-1/26
Vogošća, 03.06.2026. godine

OPĆINSKI NAČELNIK

Migdad Hasanović